

Selebrasyon sa Sabado

Himoa ang katapusang Sabado sa Napulo ka Adlaw sa Pag-ampo sa pagsaulog sa kaayo ug gahum sa Dios. Isaysay kon sa unsang paagi nimo nasinati ang gahum sa pag-ampo ug ipaambit ang bililhong espirituhanong pagtulon-an nga naangkon sulod sa milabay nga napulo ka adlaw. Magkalipay sa gihimo sa Dios, ug sa mga pagabuhaton pa sa Dios.

Ang mga panginahanglan sa matag kongregasyon managlahi, busa palihug pakigtambayayong sa lokal nga mga lider sa paghimo og usa ka klaro nga plano alang sa imong simbahan. Ania ang pipila ka posible nga mga butang nga iapil sa imong katapusan nga Sabbath Service sa simbahan.

2025 nga Tema:

Apan Sa Dihang Mag-ampo Ka . . . (Mga Prinsipyo sa Pag-ampo Gikan Kang Jesus)

Tema nga Bersikulo:

“Ginoo, tudloi kami sa pag-ampo.” (Lucas 11:1 , NKJV)

Amahan namo nga anaa sa langit, pagdaygon ang imong ngalan.
umari ang imong gingharian. Matuman ang imong kabubut-on dinhi sa yuta maingon sa langit.
Hatagi kami karong adlaw sa among kalan-on sa matag adlaw. Ug pasayloa kami sa among mga sala, ingon nga nagapasaylo kami sa mga nakasala kanamo.
Ug ayaw kami itugyan sa panulay, kondili luwasa kami gikan sa dautan.
Kay Imo ang gingharian ug ang gahom ug ang himaya hangtod sa kahangtoran. Amen.
(Mat. 6:9-13 , NKJV)

Posibleng Alawiton:

Turn Your Eyes Upon Jesus (#290)
Standing on the Promises (#518)
It Is Well With My Soul (#530)
Live Out Thy Life Within Me (#316)
He Lives (#251)

Mga Ideya sa Wali:

Usa ka Wali: Pagpili ug usa ka pastor, elder, o lider sa pagwali og usa ka mensahe kon unsaon nato pagkinabuhi ang mga prinsipyo sa Pag-ampo sa Ginoo.

[O]

Mubo nga Summary: Papuli-puliha ang mga partisipante sa Napulo ka Adlaw sa Pag-ampo sa paghatag og mugbo nga mga summary (1–2 ka minuto) alang sa matag usa sa 10 ka inadlaw nga mga giya sa pag-ampo. Ipaambit ang ulohan, ang panguna nga bersikulo, ug usa ka mahinungdanon nga punto. (Planohang daan aron ang mga summary magpabilin sulod sa 1–2 ka minutos. Alang sa kadaghanan sa mga tawo, ang usa ka minuto mga 125–150 ka mga pulong.)

[O]

Mubo nga mga Pakigpulong sa sulusama nga Tema: Pag-apil og tulo ka miyembro nga lainlaig edad sa paghatag og mugbo nga mga pakigpulong (5–7 ka minutos) sa pinili nga tema, sama sa Pag-ampo sa Ginoo o mga sugilanon sa pag-ampo gikan sa Bibliya.

Uban pang mga Ideya sa Programa:

Mga testimonya sa miyembro mahitungod sa gitubag nga pag-ampo, pag-ampo diha sa small group, pagpahibalo sa umaabut nga pag-ampo o mga kalihokan sa pagserbisyo, children's story, musical selections, ug uban pa.